

華東稀見方志文獻 第四十五卷

中國華東文獻叢書

中國華東文獻叢書·第一輯

華東稀見方志文獻

第四十五卷

甘肅省古籍文獻整理編譯中心
中國華東文獻叢書編輯委員會
編

甘肅省古籍文獻整理編譯中心重大整理項目

本輯主編：倉修良 高國祥

福建部分主編：方寶川

副主編：陳旭東

本卷目錄

山東通志

〔嘉靖〕

陸

欽纂修

.....

〇〇三

【嘉靖】陸 鉞纂修

山東通志

〔嘉靖〕《山東通志四十卷》，明陸鉞纂修，嘉靖十二年（公元一五三三年）刻本。白口，單魚尾，左右雙欄。半葉十行，行二十字。

陸鉞，字舉之，號少石子，浙江鄞縣（今浙江省寧波市）人，生於弘治七年（公元一四九四年），卒年不詳，正德十六年（公元一五二二年）進士，時任山東按察司副使，著有《少石子集》十三卷等。卷前有方遠宜《山東通志叙》，楊維聰、陳沂、陸鉞序文，卷後有張寅、王應槐後序。

山東通志叙

山東通志者通志山東也。山東總六郡諸州邑皆古列國之故墟其山川人物事蹟紛錯不一或割裂於昔而統會於今或舊屬於彼而新隸於此古今國邑不同事文貫絡不絕通而志之宜也自昔哲又迭興光昭簡冊惟孔子之生於是天下萬世宗而師之遂使山東以誕聖聲宏天下顧舊志宋寥無聞曾不若遐荒下邑識者病之嘉靖壬辰予承乏按是邦受

命而來見藩臬彬彬作者有人乃間以是論之適提學憲副陸君舉之得先提學余子華氏志草出以相視因與共圖成之於是檄有司咨故老徧訪山澤聞儒請發鄉士大夫之家藏掇拾殘碑斷碣所謂周彝孔鼎岱山鄒嶧之石刻散落於山崖丘莽之間凡遺蹟往跡墟而未湮無而未泯者搜括殆盡而其顯然散見於經史子集者則任探索浩瀚而必致也於是議纂修之職僉推讓以大叅陳君魯南與陸君任其事召屬吏之蘊藉素深者輔之請于巡撫靜菴袁公以是歲六月開局越一歲有奇書成蓋亦偉矣惟時兩司方伯邵君思抑楊君

秉節憲長屠君安卿輩屬予為序予不敏且日近

案牘舊業益荒固遜於秉筆諸君使各叙其著述

大意既而言不容已乃復之曰卓哉子行蓋嘗由

歷山至徂徠望嶽涉濟瀆汶陽東觀于海於是見

少皞之都虞舜之井周明堂魯靈光秦漢登封駕

海之轍延數千百載不隨谷變脈脈可考遐哉邈

矣其詩書之遺乎又嘗抵琅邪登孤山過平原蘭

陵歷覽諸侯盟會卿士大夫聘問之墟縉紳學士

談經授業之窟而采薇之歌遊豫之味麥丘北郭

之辭颯颯乎猶可想見其子史之載乎又嘗閱東

蒙龜島陟嶧山歷洙泗而扣兩觀之基三遷之址

凡陋巷牖甕之居浴沂耕魯逃汶之地與夫隱處

辟仕彈琴絃誦之邑隨在未淪而顯其存鄒魯之

流風矣昔太史公徧遊海內適魯觀仲尼廟堂車

服禮器低回留之不能去曰想見其為人可謂至

聖矣卓哉子行亦將以采風焉蓋嘗知其可志之

大者已故志也者典章存焉政化繫焉顧齊魯政

俗不同為治貴審所尚而已耳昔者周公以尚父

伯禽報政而預斷其後世有強弱之異而孔子論

齊魯一變拳拳焉思復文武之初歷代世變千有

餘年至我

皇明混一區宇禮樂大興山東中接函亭涵濡

聖化久而且近相襲文教之傳所在敦尚詩書禮義

之習文獻之盛望於天下而此志之作亦其時矣

予既得而讀之其考古博稽與精揆搭整其據跡

而述事也辯而敷脩辭而正義也詳而莊蓋草創

潤色裁正銓次咸得其人各盡所長煥乎成文足

以徵諸有政而傳之四方矣然予竊有懼焉山川

形勢迷矣而懼夫經野正域之規久則或紊田賦

戶口迷矣而懼夫租庸伸縮之制久則或耗封建

職官迷矣而懼夫沿革守掌之戒久則或厖漕河

城池兵防迷矣而懼夫脉絡之通時變之禦久或

忘危失險而屈其力述聖賢文藝則道術明經義

顯矣懼其久而澤熄文敝而正脉誰與崇述名宦

人物則政績著行業昭矣懼其久而風韻漸衰而

名實誰與辯述學校祠祭則世教盛物采彰矣懼

其久而傳文虛飾而古雅誰與振述孝義貞媛則

端本尚行而風斯行矣而懼夫孽子孤嫠之困厄

誰與恤故志也者所以明典章而寓政化者也論

治恢張之本酌時變通之機必有管窺心於此者

古今勢殊化興有漸作而新之存乎其人耳惟周

公克知其終惟孔子欲還其始亦在夫審所向而

已矣予從事已久時時復

命故於志之成也而以此言序其端云

嘉靖癸巳六月既望

賜進士文林郎巡按山東監察御史新安方遠宜撰

山東通志叙

嘉靖癸巳夏五月山東通志刻成凡四十卷爲目
五十有二附目十總若干萬言叙曰山東古青兗
之域奄有齊魯岱宗渤海亘其坤維大庭爽鳩流
其德化孔子孟軻垂其道統方岳之勝視諸方爲
最矧當王畿之南千里而近藩輔之寄視諸方爲
尤重夫正疆域攷山川辨名物紀故實以觀民風
以弊吏治莫大乎志蓋在諸方皆弗可闕焉者而
况於方岳之勝藩輔之重者乎所部郡邑間亦有
志然闕者居多

明興垂百七十年未有通一方而彙爲全書者謂非
曠典與嘉靖壬辰憲副四明陸舉之氏以視學至
嘗得前視學余子華氏所爲志稿十二卷嘉其有
志於斯而歎其屬草於門人未及定正不無踵陋
承譌小得大遺之病欲身任之顧其事重未能卒
就維時侍御荀莊方公來按茲土首詢及之曰可
少是哉中丞靜庵袁公憲當撫臨深以荀莊公之
言爲然謀是用協迺因陸子之請而亟可之徵陸
子主其事大叅四明陳魯南氏贊之於是定例以
正義分門以聚類摯綱以統目選屬吏之有文學

與諸生之秀拔者分任編摩校讐之職博求郡邑
旁採裨官攜摯藝文苑漁淪逸會源委咀菁華覈
根據從體要酌豐約考同異剖疑似務該暢由是
事極鴻纖理通燁昧世括今昔倬然勒成一家人之
言彬彬乎可讀矣蓋其論者發揮之旨刪訂補竄
之功多出於陸子之手舊稿之存十不能一開局
於壬辰夏五月訖事於癸巳春三月歷四時而一
方之書於是大備吁亦勤矣夫自八索九丘之書
亡而禹貢職方嗣之有述周禮大司徒之職掌建
邦之土地之圖與其人民之數小史掌邦國之志
莫繁世辨昭穆方輿之紀先王重之故周志鄭書
傳記可稽秦雖無道圖籍猶存漢氏以來輿地圖
經代各有作金元之變人文漸燼我
明御寓一統是志其大司徒掌建之意與維茲通志
其亦小史所掌之意與嗟乎方輿之紀先王所以
重之者豈將侈文軌資博洽爲哉辨封域則保又
存考沿革則興廢著察形勝則鑒誠昭審風俗則
汗隆係計戶口則息耗明驗方物則貢賦經覽山
川則封溝寓秩祀典則功德報定官制則職守修
采人物則勸懲行綜藝文則述作備本之所以廣

學推之所以立政申之足以養業垂之足以示遠謂可以無作也哉讀是書者當以此意求之茲舉也濟南守楊撫高唐判張寅誦以有勞焉臨淄令王一槐高唐學正王應槐萊蕪教諭劉應祥定分任之方伯邵君思抑楊君秉節陳君原習憲使屠君安卿寔贊成之維聰以運事役于京不獲與執筆後歸而睹其成也故受命而為之敘

賜進士及第大中大夫山東布政使司右叅政前右春坊右中允

經筵講官同脩 國史因安楊維聰撰

山東通志叙

山東之地自晉五胡倡亂琅邪東渡慕容僭號之王之遺文舊典聖賢之道德辭訓其迹寢滅障泯一以後聲教漸聞迄宋建炎之難完顏內侵河東淮北遂為其地至蒙古則海內盡汙于狄中原之文獻不復可考矣

天啓

皇明我

高皇帝汎掃華夏奠正區宇以修先王之禮樂百年

始大興

英皇乃命儒臣追引往迹蒐輯淪匿用禹貢職方之遺意為輿地一統志而山東郡縣之事得見於所載焉正德間中丞白沙黃公舉六郡志事未就嘉靖初余憲副子華嘗手譔志草亦未成而去九年庚寅沂轉官茲省得觀白沙公所取古史傳略凡十餘卷他皆未就余志未之見越二年壬辰巡按侍御祐莊方公至首詢志事適陸憲副舉之有督學之任得余志草十有二卷具事請于兩臺巡撫中丞靜庵素公曰志不作六郡無史矣當亟成之方公喜曰事徵文獻郡魯之邦志可闕乎當亟成

之惟所具事咸可其請遂屬筆於陸憲副而潛及於沂乃召高唐張判官寅臨淄王知縣一槐暨唐王學正應槐萊蕪劉教諭應梓濟南歷城庠生十有餘人同事編摩濟南楊郡守撫亦與其事六月十有六日開局於貢院迄明年三月稿成人物初取白沙公稿餘取余稿至考止訛謬搜索遺亡實分局者之功而別立凡例裁定可否總論顛末則皆出陸憲副之手沂附之於舊草僅存其十一耳沂按禹貢九州山東在青兗南北厥有徐冀而西連於豫地若是其大矣高山惟岱大川惟海封國之域惟齊魯曹宋大聖生於魯顏閔諸賢負者七十餘人孟子生於鄒六經諸家之學盡在于是雖中原屢喪而人文之宜昭與海岱同高深又他省之所未及也夫山川以昭其勝人物以昭其靈宦蹟以昭其政典籍以昭其文此志之大者皇明時夏之盛炳然卷冊稽諸于社世代之臧否風俗之美惡人事之得失可以爲鑒其戶口之耗力役之繁經費之多可以爲警大志豈徒作哉嗟乎是書之成前後凡二十餘年信乎有所過也首末簡當有序實惟臺院初方伯邵君思抑楊君秉節

今陳君原習憲長屠君安卿章皆嘗具事以請復屬筆於予二人沂不敏無能爲役謹序夫志之所由作焉

賜進士出身大中大夫山東布政使司左叅政奉

敕總理稅糧前翰林院侍講

經筵講官同修 國史四明陳沂撰

今陳君原習憲長屠君安卿章皆嘗具事以請後

屬筆於予二人沂不敏無能為役謹序夫志之所

由作焉

賜進士出身大中大夫山東布政使司左叅政奉

敕總理稅糧前翰林院侍講

經筵講官同修 國史四明陳沂撰

山東通志叙

山東文獻名區維昔虞韶在齊周禮在魯先王流風善政洋洋乎溥溥乎至于今不衰則固文獻之遺矣夫志以稽事載典章往詔來於文獻不重且大乎迺曠焉弗修者幾百有餘年嗟乎是直一方之缺耶蓋天下之文獻繁焉何者海岱天下山川之宗也聖賢天下人物之望也六經天下文章之祖也咸在茲土是故志一方而徵諸天下莫備乎山東矣迺今人輒曰邦舊者易湮文盛者難述又或諉曰志非一時所能就而亦非吾一人責也夫其諉之者既無志難之者又不力廢將誰與興哉嘉靖壬辰鈇視學山東訪先學憲余君子華家得志草十餘卷例繁而載畧編亦未就竊嘗欲刪訂嗣成之顧牽於校藝未遑焉無何都臺靜菴素公柱史宿莊方公蒞山東慨茲隆典協謀毅舉鈇遂得為請許之迺同于藩叅陳君魯南更立名例刻期張局撤高唐判張君寅輩集諸庠彥分類編摩酌繁簡剖疑難補遺正訛而宿莊公按部所至輒採詢故實致之越明年癸巳志成為卷四十為類五十有二為附類凡十於是舊志所存無幾矣或

廼言曰山東遭胡元兵燹之餘文史散佚子之爲是志也曷微乎余曰禹貢以辨封疆述土貢周官以明規制春秋左氏國語歷代史以考沿革紀盛衰美惡諸子藝文以辨方物陳土風文史未嘗亡也曰子之用志勤且博矣抑山東紀載有一千茲乎曰晏謨撰齊地紀李肅撰三齊紀阮叙之記南充盧孝恭記南徐張建章記渤海唐之河南宋之京東咸列圖經今其全書雖不盡見而採拾於鄆道元之水經註鄭漁仲馬端臨之志考羅泌之路史祝和父之方輿勝覽與夫寰宇一統諸志斑斑可考山東未嘗無載籍也曰然則如斯已乎曰堯墟舜井之蹟靈光孔壁之藏大庭空桑爽鳩對尋之故址嶽鎮瑯邪登封之舊轍海王碣石之奇觀傷麟歌鳳琴臺劍塚之遺墟蓋嘗歷覽周詢得諸東人之口述焉斯不足備志實耶是故古今者跡焉爾矣興廢者文焉爾矣考跡則世故明因文則典章著孔子曰所損益百世可知也故是志也稽往賢諸訓紀事核其實纂言會其精據簡冊者多于耳目搜遐邇者詳於辯證是故以體國經野則矩協以考俗達治則政達以彰淑慝應則鑒昭以

正名辨物則典究綱陳目舉燦然可徵庶幾備一方之缺云爾廼若紀載窮於日力是非謬於去取言之無文行之弗遠余方有大懼焉所謂繫天下之文獻云者余豈敢哉余豈敢哉
賜進士及第中憲大夫山東按察司副使奉
敕提督學政前翰林院修撰同修
國史四明陸鈺撰

山東通志目錄

卷之一

圖考

卷之二

建置沿革上有表

卷之三

建置沿革下有表

卷之四

星野 疆域

卷之五

山川上

卷之六

山川下

卷之七

形勢 風俗

卷之八

物產 田賦 戶口民役附

卷之九

封建王府附

卷之十

職官

卷之十一

兵防

卷之十二

城池

卷之十三

漕河海運附

卷之十四

橋梁開壩附

卷之十五

公署

卷之十六

學校書院附

卷之十七

科目歲奉附

卷之十八

祠祀

卷之十九

陵墓

卷之二十

寺觀

卷之二十一

宮室

卷之二十二

古蹟

卷之二十三

帝王后妃

卷之二十四

聖賢聖裔

卷之二十五

名宦上

卷之二十六

名宦中

卷之二十七

名宦下外傳

卷之二十八

人物一

卷之二十九

人物二

卷之三十

人物三

卷之三十一

人物四

卷之三十二

人物五

卷之三十三

人物六外傳

卷之三十四

流寓 仙釋

卷之三十五

孝義 列女

卷之三十六

藝文

卷之三十七

遺文上

卷之三十八

遺文下

卷之三十九

災祥

卷之四十